



BOSNIA AND HERZEGOVINA  
Ministry of Foreign Trade and Economic Relations  
Veterinary Office of Bosnia and Herzegovina

Na osnovu člana 21. tačke 2. i člana 84. tačke 1. Zakona o veterinarstvu u Bosni i Hercegovini ("Službeni glasnik BiH", broj 34/02), Ured za veterinarstvo Bosne i Hercegovine donosi

## UPUTSTVO

### o zabrani uvoza određenih pošiljki radi sprječavanja unosa u Bosnu i Hercegovinu bolesti kvrgave kože (eng. *Lumpy Skin Disease*) iz Hrvatske

#### Član 1.

Radi sprečavanja unosa u Bosnu i Hercegovinu bolesti kvrgave kože zabranjuje se uvoz u Bosnu i Hercegovinu slijedećih vrsta pošiljki:

- a) živih goveda i divljih preživara;
- b) sjemena, jajnih stanica i embrija goveda;
- d) mlijeka i proizvoda od mlijeka goveda, osim mlijeka i proizvoda od mlijeka
  - gdje je sirovo mlijeko bilo obrađeno najmanje jednim od postupaka navedenim u tačkama 1.1 do 1.5. Dio A. Dodatak IX, Pravilnika o mjerama za suzbijanje i iskorjenjivanje slinavke i šapa ("Službeni glasnik BiH", broj 45/11); ili
  - bili podvrgnuti ili dobiveni od sirovog mlijeka koje je bilo podvrgnuto postupku pasterizacije jednokratnom toplinskom obradom koja je barem jednakovrijedna toplotnom tretmanu postignutom procesom pasterizacije od najmanje 72°C kroz 15 sekundi te koja je također dovoljna da osigura negativnu reakciju na test alkalne fosfataze primijenjen neposredno nakon toplinske obrade.
- e) sirovog krzna i koža goveda i divljih preživara, uz one navedene u tački f);
- f) neprerađenih nusproizvoda porijeklom od goveda i divljih preživara,

a koji su porijeklom iz **Hrvatske**.

#### Član 2.

Izuzetno od odredbi tačke a) člana 1. ovog Uputstva, zabrana se ne odnosi na uvoz živih goveda za rasplod, tov i klanje pod uslovom da:

- a) su goveda prilikom utovara klinički pregledana i nisu pokazivala kliničke znakove bolesti kvrgave kože na dan otpreme;
- b) su goveda vakcinisana najmanje 28 dana prije otpreme i dolaze sa imanja na kojem su sve životinje prijemčivih vrsta vakcinisane protiv bolesti kvrgave kože najmanje 28 dana prije otpreme;
- c) su goveda rođena i/ili su neprekidno boravila najmanje 40 dana prije otpreme na gazdinstvu porijekla.

### Član 3.

Izuzetno od odredbi tačke a) člana 1. ovog Uputstva, zabrana se ne odnosi na uvoz visoko vrijednih rasplodnih grla koja nisu vakcinisana pod uslovom da:

- a) su navedena grla podvrgnuta testu otkrivanja uzročnika bolesti kvrgave kože PCR testom provedenim na uzorcima krvi najviše 14 dana prije otpreme sa negativnim rezultatom; i
- b) su grla prilikom utovara klinički pregledana i nisu pokazivala kliničke znakove bolesti kvrgave kože na dan otpreme.

### Član 4.

Izuzetno od odredbi tačke b) člana 1. ovog Uputstva, zabrana se ne odnosi na uvoz i provoz sjemena, jajnih ćelija i embriona ukoliko su ispunjeni sljedeći uslovi:

- a) životinje donori vakcinisane su i revakcinisane protiv bolesti kvrgave kože prema uputama proizvođača vakcine, a prva vakcinacija je obavljena najmanje 60 dana prije datuma sakupljanja sjemena, ili su životinje donori podvrgnuti serološkom testu za otkrivanje posebnih antitijela na virus bolesti kvrgave kože na dan sakupljanja i najmanje 28 dana nakon razdoblja sakupljanja sjemena ili dana sakupljanja embriona i jajnih ćelija, s negativnim rezultatima;
- b) životinje nisu pokazivale kliničke znakove bolesti kvrgave kože na dan sakupljanja i narednih 28 dana;
- c) životinje donori podvrgnuti su testu otkrivanja uzročnika bolesti kvrgave kože PCR testom provedenim na uzorcima krvi uzetim na početku i najmanje svakih 14 dana nakon toga tokom perioda sakupljanja, s negativnim rezultatima
- d) sjeme je podvrgnuto otkrivanju uzročnika bolesti kvrgave kože PCR testom, s negativnim rezultatom
- e) životinje su držane u zemlji izvoznici najmanje 28 dana prije datuma prikupljanja sjemena u objektu centra za vještačko osjemenjavanje u kojem tokom tog perioda nije bilo prijavljenih slučajeva bolesti kvrgave kože i taj objekat centra za vještačko osjemenjavanje se ne nalazi u zaraženom području.

### Član 5.

Izuzetno od odredbi tačke b) člana 1. ovog Uputstva, zabrana se ne odnosi na uvoz i provoz sjemena, jajnih ćelija i embriona ukoliko su uzeti od životinja donora prije 08.08.2016. godine.

### Član 6.

Stupanjem na snagu ovog Uputstva, privremeno prestaju važiti sva Rješenja o nepostojanju veterinarsko-zdravstvenih smetnji izdata za uvoz pošiljki roba navedenih u članu 1. ovog Uputstva, osim za pošiljke iz čl. 2, 3, 4. i 5. ovog Uputstva.

### Član 7.

Stupanjem na snagu ovog Uputstva prestaje važiti Uputstvo o zabrani uvoza određenih pošiljki radi sprječavanja unosa u Bosnu i Hercegovinu bolesti kvrgave kože (eng. *Lumpy Skin Disease*) iz Hrvatske (Broj: 02-1-27-20-191-18/17 od 27.04.2017. godine).

Član 8.

Ovo Uputstvo stupa na snagu danom donošenja i vrijedi do donošenja odgovarajuće Odluke Vijeća ministara Bosne i Hercegovine, odnosno do njegovog stavljanja van snage posebnom Odlukom radi prestanka opasnosti od unosa u Bosnu i Hercegovinu bolesti kvrgave kože.

Broj: 02-4-02-2-233-2/17

Datum: 05.09.2017



DIREKTOR

*[Handwritten signature]*  
Kalaba, dr vet.med.,spec.

DOSTAVLJENO:

- Svim graničnim veterinarskim inspektorima;
- Odjeljenje za sigurnost hrane i uslove u objektima;
- Odjeljenje za zdravlje i dobrobit životinja;
- Arhiva.